



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmmae Virtvtvm, Ac Vitiorvm , Tomus ...**

**Guilelmus <Peraldus>**

**Lvgdvni, 1585**

De peccato vetularum turpitudinem consulentium. Cap. II.

[urn:nbn:de:hbz:466:1-46161](https://nbn-resolving.org/urn:nbn:de:hbz:466:1-46161)

ethnicorum, & etiam ex sacra scriptura. Vnde poëta: Quaritur Ægyptus quare sit factus ad alter: In promptu causa est, desidiosus erat. Et Ezech. 16. Hæc fuit iniquitas Sodomæ fororis tuæ, superbia, saturitas panis, & abundantia, & otium. ¶ De indiscreta sumptione cibi & potus, quomodo sit causa luxuriæ, satis dictum est, ubi de vitio gulæ supra in principio diximus. Dicit etiã Hierony. quòd difficile inter epulas seruetur pudicitia. Et Ber. Periclitatur castitas in deliciis. Item Hiero. Pro membrorum ordine ordo vitiorum est. Hinc dicitur quòd membra generationi deputata seruiant peccato.

¶ *De peccato vetularum turpitudinem consulentium.* C A P. II.

**M**Ulra autem sunt per quæ potest ostendi magnitudo huius peccati. ¶ Primum est hoc, quòd peccatum istud est diabolicum. Opus enim diaboli est operam dare vt hominẽ deiciat in peccatum. Sic studium vetularum talium est, vt mulieres inclinẽt ad peccatum. Nec habent de illo peccato quandoque nisi foetorem & potum vnum vini. Vnde Ioel. 3. Puellam vendiderunt pro vino, & biberunt. ¶ Secundum est hoc, quòd opus earum magis est noxium quàm opus diaboli. Vbi enim nec homo nec diabolus potest aliquid facere per se, ibi facit vetula. Vnde posset rectẽ dici diabolã, eo quòd in peccato diabolo assimilatur. A peccato enim habet diabolus, quòd sit diabolus, qui est à creatione angelus. Posset etiam dici sathan, quod interpretatur aduersator. Efficacius enim aduersatur salutĩ eius quàm mouet ad malum, quàm ipse diabolus. ¶ Tertium per quod potest ostendi magnitudo huius peccati, est pœna serpenti à domino inflicta. Serpens enim quem diabolus sibi elegit, vt per eum mulierem deiceret, eò quòd mulieri assimilaretur (erectus enim tunc erat, & secũdum Bedam, vultum virgineum habes) significat rectẽ has vetulas quas diabolus elegit ad alias mulieres deiciendas, eò quòd sint eis similes. Licet autem serpens tanquam creatura irrationalis non intellexerit quid fecerit, tamen in tribus punitus est, cum mulier in duobus punita sit tantum, & vir tantum in vno. Vir etiam quia in solo esu peccauit, in labore querẽdo sibi edulium punitus est. Vnde dictum est ei: Maledicta terra in opere tuo &c. Mulier superbiuit, & in fructu peccauit, ideo Deus eam humiliavit, dicens, Sub viri potestate eris. Et in fructu eius punit eam, dicens, In dolore paries. Serpens vero, quia hominẽ deiecit, prostratus est, quum prius erectus incederet. Vnde dictum est ei, Super pectus tuum gradieris. Quia habuit in ore mendaciũ, ideo in ore eius positum est venenum. Et in cibo

punitus

punitus est. Vnde dictum est ei: Terram comedes omnibus diebus vitæ tuæ. Quia mulierē decepit, ideo dictum est ei: Inimicitias ponam inter te & mulierē. Et post: Ipsa cōteret caput tuum. Et est argumentum, q̄ mulieres sanctæ multum debēt odio habere tales vetulas: non naturam, sed vitium earū. Et nisi se correxerint, procurare eō modo quo secundum Deum poterūt, vt à vicinia sua expellant eas. Qualiter ergo puniētur vetulæ quæ intelligunt peccata quæ faciunt, si sic serpens punitus est qui nō intellexit? Sicut serpens in ore punitus est, sic punientur & ipsæ. Et quia vinum pro peccato, quod faciunt bibunt: fel draconum erit vinum earum, & venenum aspidum insanabile. Ipsi etiam dicetur: Non terram comedes, sed carbones comedes omnibus diebus vitæ tuæ. Et quia se planam vel pontem diabolo fecerunt, vt per eas ad mulieres diabolus transfret, ipsæ prostratæ conculcabuntur, & vadent super eas horribiles, vt ait Iob.

¶ Quartum est, quod legitur Ecc. 28. de lingua tertia, vbi sic habetur: Mulieres fortes deiecit: vel mulieres viratas, secundū aliā literam, vel etiam maritatas. Et quibusdam interpositis, subiūgitur: Et utilis potius inferus, quā illa. Ignis infernalis non exurit nisi illos qui adducantur, & qui hoc meruerunt: sed lingua tertia iniustissime vrit igne peccati, etiam illos qui sibi nihil nocuerunt.

¶ Quintum est hoc, q̄ vetula talis se habet sicut lingua in corpore diaboli, q̄ est congregatio malorum. Ex quo satis potest ostendi, q̄ multa malitia sit in huiusmodi mulieribus. Si enim tātum est malitiæ in lingua vnus hominis, vt habetur in Cano. Iac. 3. quantū credenda est habere malitiæ lingua diaboli? De lingua hominis dicit Iacob: Lingua nostra ignis est vniuersitas iniquitatis. Et post, quæ maculat totum corpus, & inflāmat rotam natiuitatis nostræ inflammata à gehēna. Et iterum: Lingua est inquietum malum, plena veneno mortifero. quæ de lingua diaboli verissime possunt dici, si de vetula. Præterea cū diabolus vt faber sit, iuxta illud Esaię 54. Ego creavi fabrum sufflantem in igne prunas. Et iuxta illud Iob 41. Halitus eius prunas ardere facit. Vetulæ istæ sunt vt folles ipsius. Attestatur autem nigredo vetularum huic officio. Ipsæ etiam vetulæ sunt quasi larvæ sub quibus latet diabolus, & in quibus operatur. Si enim se manifestaret in propria forma, horrorem mulieribus incuteret. Ipsæ etiā reæ sunt prodicionis apud Deū. cuius castra explorāt, & procurant vt diabolo tradantur. ¶ Præterea, quum Christus in tempore passionis laborauerit vsq; ad sudorem sanguinem, & tantum dolorem sustinuerit, quod non sui

fuit dolor sicut dolor eius, & tātū expēderit. Ibi enim fractū est alabastrū, & vnguentum misericordiæ effusum in tanta abundantia, q̄ eum senserunt cœlū & terra, & infernus: vnicā tamen animam, s. latronis, in actu lucratus est ibi. Ex quo satis patet quantum peccent hæ vetulæ etiā si nō auferrent nisi vnam animam Deo in tota vita sua, cū tale damnū faciāt ei, quale lucrū ipse fecit in cruce. Itē si prædicator vnus non lucraretur in tota vita sua nisi vnicā animā, multum faceret, quū vna anima plus valeat, quā omnes diuitiæ huius mundi. Igitur si aliqua vetula toto tempore vitæ suæ nullū aliud malū faceret, nec corde, nec ore, nec opere, nisi quod vnam animā Deo auferret, nimis esset. Itē si aliquis vendidisset vnum de vicinis suis comedēdo & bibēdo cū eo aliquibus qui cū corporaliter iugularent, valde malus iudicaretur: vel si quis ad tantā malitiam peruenisset, q̄ pro duodecim denariis hominem vnum corporaliter interficeret. Quā mala ergo iudicanda est quæ tot mulieres vendit ad interficiendū eas spiritualiter, comedēdo & bibēdo cū eis. Et quæ non pro duodecim denariis, sed pro potu vno vini interdum in mortē vnus animæ consentit. Præterea incendiarij, qui furtim domos & acervos manipulorū incendūt in gueris, peiores cæteris reputantur, & maximè sunt exosi. Vetulæ autem istæ incendiariæ sunt. Luxuriā enim, quæ ignis est vsque ad consumptionē deuorās, vt legitur Iob 31. in cordibus hominum ponunt. Nec parcunt etiā tēplis: fideles enim tēpla sunt Deo in baptismo dedicata. Itē si nullū tale sacrificiū est Deo, vt zelus animarum, nullū tale sacrificiū est diabolo vt perditio earum, & nihil sic Deo displicet. Vetulæ tales videntur propriè esse de familia diaboli. Et sicut voluit Christus vt super apostolos apparerent linguæ igneæ, ad ostendendū q̄ officiū eorū erat verbis corda hominum igne cœlesti inflammare: sic diabolus si vellet officium istarum vetularum hominibus ostendere, linguas igneas igne fœtido inferni faceret super eas apparere.

*De malo exemplo per quod excitatur Luxuria. CAP. III.*

**M**alum exēplū licet vniuersaliter multū timendū sit, præcipuè tamē exēplū huius peccati: quia in mēbris generationi deputatis maximè sæuit cōcupiscentia. Vnde summo studio vitāda sunt vbi fornicarij conuersantur: quia non accideret de facili q̄ aliquis videret aliquos fornicari quin tentaretur. Vnde Eccl. 19. Qui se coniungit fornicariis, erit nequā. Et Apost. 1. ad Cor. 5. loquēs de Corinthio fornicatore: Nescitis quia modicū fermētū totū massam corrūpit? Expurgate ergo vetus fermētū.

Et